

## OFFERYNNAU STATUDOL CYMRU

# 2005 Rhif 3370 (Cy.267)

## BWYD, CYMRU

### Rheoliadau Cig (Rheolaethau Swyddogol) (Ffioedd) (Cymru) 2005

Wedi'u gwneud - - 6 Rhagfyr 2005

Yn dod i rym - - 1 Ionawr 2006

Mae Cynulliad Cenedlaethol Cymru, ac yntau wedi'i ddynodi(1) at ddibenion adran 2(2) o Ddeddf Cymunedau Ewrop 1972(2) o ran mesurau sy'n gysylltiedig â bwyd (gan gynnwys diod), gan gynnwys cynhyrchu sylfaenol o ran bwydydd, drwy arfer y pwerau a roddwyd gan yr adran honno, ac ar ôl ymgynghori â'r cyhoedd yn agored a thryloyw yn ystod cyfnod paratoi'r Rheoliadau hyn fel sy'n ofynnol gan Erthygl 9 o Reoliad (EC) Rhif 178/2002 Senedd Ewrop a'r Cyngor, sy'n gosod egwyddorion a gofynion cyffredinol cyfraith bwyd, yn sefydlu Awdurdod Diogelwch Bwyd Ewrop ac yn gosod gweithdrefnau o ran materion diogelwch bwyd(3), yn gwneud y Rheoliadau a ganlyn:

#### Enwi, cychwyn a chymhwyso

1. Enw'r Rheoliadau hyn yw Rheoliadau Cig (Rheolaethau Swyddogol) (Ffioedd) (Cymru) 2005, a deuant i rym ar 1 Ionawr 2006, ac maent yn gymwys o ran Cymru.

#### Gwybodaeth Cychwyn

II Rhl. 1 mewn grym ar 1.1.2006, gweler [rhl. 1](#)

#### Dehongli

2.—(1) Yn y Rheoliadau hyn—

mae i “anifeiliaid hela” yr ystyr a roddir i “game” yn Rheoliad 853/2004 ac yn cynnwys “farmed game”, “wild game”, “small wild game”, a “large wild game” fel y'u diffinnir gan y Rheoliad hwnnw;

ystyr “yr Asiantaeth” (“the Agency”) yw'r Asiantaeth Safonau Bwyd;

mae i “cig” yr ystyr a roddir i “meat” ym mhwynt 1.1 o Atodiad I i Reoliad 853/2004;

(1) O.S. 2005/1971.

(2) 1972 p. 68.

(3) OJ Rhif L31, 1.2.2002, t.1. Diwygiwyd y Rheoliad hwnnw ddiwethaf gan Reoliad (EC) Rhif 1642/2003 Senedd Ewrop a'r Cyngor (OJ Rhif L245, 29.9.2003, t.4).

mae i “cig anifeiliaid hela” yr ystyr a roddir i “*game meat*” yn Rheoliad 853/2004;  
mae i “cig ffres” yr ystyr a roddir i “*fresh meat*” ym mhwynt 1.10 o Atodiad I i Reoliad 853/2004;

ystyr “costau staff lladd-dy a gytunwyd” (“*agreed slaughterhouse staff costs*”) o ran unrhyw ladd-dy lle cigyddir dofednod a lagomorffiaid yw—

(a) y gyfran (a fynegir fel swm o arian) o gyflogau (gan gynnwys taliadau goramser a chyfraniadau Yswiriant Gwladol cyflogwyr a chyfraniadau pensiynau) a delir i staff y lladd-dy hwnnw o ran cyfnod cyfrifyddu y bydd yr Asiantaeth a gweithredydd y lladd-dy yn cytuno arni fel y gyfran y gellir ei phriodoli i unrhyw staff o'r fath sy'n cynorthwyo gyda rheolaethau swyddogol drwy gyflawni tasgau penodol yno yn ystod y cyfnod hwnnw o dan Erthygl 5.6 o Reoliad 854/2004; plws

(b) 25% o'r swm hwnnw;

mae i “Cyfarwyddeb 2004/41” (“*Directive 2004/41*”), “Rheoliad 178/2002” (“*Regulation 178/2002*”), “Rheoliad 852/2004” (“*Regulation 852/2004*”), “Rheoliad 853/2004” (“*Regulation 853/2004*”), “Rheoliad 854/2004” (“*Regulation 854/2004*”), “Rheoliad 882/2004” (“*Regulation 882/2004*”), “Rheoliad A” (“*Regulation A*”), “Rheoliad B” (“*Regulation B*”), “Rheoliad C” (“*Regulation C*”), “Rheoliad D” (“*Regulation D*”) a “Rheoliad E” (“*Regulation E*”) yr ystyr a roddir iddynt yn eu trefn yn Atodlen 1;

ystyr “cyfnod cyfrifyddu” (“*accounting period*”) yw cyfnod sy'n llai na blwyddyn y penderfynir arno gan yr Asiantaeth;

ystyr “cyfraniadau Yswiriant Gwladol cyflogwyr” (“*employers' National Insurance contributions*”) yw'r cyfraniadau nawdd cymdeithasol hynny y mae cyflogwyr yn atebol amdanynt o dan Ran I o Ddeddf Cyfraniadau a Budd-daliadau Nawdd Cymdeithasol 1992(4);

mae i “dofednod” yr ystyr a roddir i “*poultry*” ym mhwynt 1.3 o Atodiad I i Reoliad 853/2004;  
ystyr “ffi rheolaethau swyddogol” (“*official controls charge*”) yw'r ffi a gyfrifir yn unol ag Atodlen 2 ac a hysbysir yn unol â rheoliad 3(1), (2) neu (3);

ystyr “gweithredydd” (“*operator*”) yw gweithredydd busnes bwyd sy'n rhedeg busnes lladd-dy, sefydliad trin anifeiliaid hela neu safle torri neu gynrychiolydd y gweithredydd a awdurdodwyd yn briodol;

mae i “gweithredydd busnes bwyd” yr ystyr a roddir i “*food business operator*” yn Rheoliad 178/2002;

ystyr “gwirhad” (“*verification*”) yw gwirio, drwy archwilio a darparu tystiolaeth wrthrychol; dehonglir “lagomorff” yn unol â'r diffiniad o'r term “*lagomorphs*” ym mhwynt 1.4 o Atodiad I i Reoliad 853/2004;

ystyr “lladd-dy” (“*slaughterhouse*”) yw sefydliad a ddefnyddir i gigydda a thrin anifeiliaid, y mae eu cig wedi'i fwriadu i'w fwyta gan bobl ac sydd—

(a) wedi'i gymeradwyo neu wedi'i gymeradwyo'n amodol o dan Erthygl 31.2 o Reoliad 882/2004; neu

(b) (er nad oes ganddo'r gymeradwyaeth neu'r gymeradwyaeth amodol sy'n ofynnol o dan Erthygl 4.3 o Reoliad 853/2004) a oedd, ar 31 Rhagfyr 2005, yn gweithredu fel lladd-dy trwyddedig o dan Reoliadau Cig Ffres (Hylendid ac Arolygu) 1995(5) neu Reoliadau Cig Dofednod, Cig Adar Hela a Ffermir a Chig Cwningod (Hylendid ac Arolygu) 1995(6);

ystyr “mangre” (“*premises*”) yw unrhyw ladd-dy, safle torri neu sefydliad trin anifeiliaid hela;

---

(4) 1992 p.4.

(5) O.S. 1995/539, a ddirymwyd gydag effaith o 1 Ionawr 2006 gan O.S. 2005/3292 (W.252).

(6) O.S. 1995/540, a ddirymwyd gydag effaith o 1 Ionawr 2006 gan O.S. 2005/3292 (W.252).

ystyr “rheolaethau swyddogol” (“*official controls*”) yw'r rheolaethau y mae'r Asiantaeth yn eu cyflawni o dan Reoliad 854/2004 er mwyn gwirhau cydymffurfiaeth â—

- (a) Erthyglau 3, 4.1(a), 5, 7 ac (ac eithrio i'r graddau y mae'n ymwneud â briwgig ac wyau) 8 o Reoliad 854/2004; a
- (b) gofynion Rheoliadau Lles Anifeiliaid (Cigydda neu Ladd) 1995(7) i'r graddau y mae'r cyfryw wirhad yn ymwneud â lles yr anifeiliaid a gigyddir mewn lladd-dai ar gyfer eu bwyta gan bobl;

mae i “rhoi ar y farchnad” yr ystyr a roddir i “*placing on the market*” yn Erthygl 3.8 o Reoliad 178/2002;

ystyr “safle torri” (“*cutting plant*”) yw sefydliad a ddefnyddir ar gyfer tynnu esgyrn a/neu dorri cig ffres er mwyn ei roi ar y farchnad ac sydd—

- (a) wedi'i gymeradwyo neu wedi'i gymeradwyo'n amodol o dan Erthygl 31.2 o Reoliad 882/2004; neu
- (b) (er nad oes ganddo'r gymeradwyaeth neu'r gymeradwyaeth amodol sy'n ofynnol o dan Erthygl 4.3 o Reoliad 853/2004) a oedd, ar 31 Rhagfyr 2005, yn gweithredu fel safle torri trwyddedig o dan Reoliadau Cig Ffres (Hylendid ac Arolygu 1995 neu Reoliadau Cig Dofednod, Cig Adar Hela a Ffermir a Chig Cwningod (Hylendid ac Arolygu) 1995;

mae i “sefydliad” yr ystyr a roddir i “*establishment*” ym mharagraff 2.1(c) o Reoliad 852/2004;

ystyr “sefydliad trin anifeiliaid hela” (“*game-handling establishment*”) yw unrhyw sefydliad lle caiff anifeiliaid hela a chig anifeiliaid hela a geir ar ôl hela eu paratoi i'w rhoi ar y farchnad ac sydd—

- (a) wedi'i gymeradwyo neu wedi'i gymeradwyo'n amodol o dan Erthygl 31.2 o Reoliad 882/2004; neu
- (b) (er nad oes ganddo'r gymeradwyaeth neu'r gymeradwyaeth amodol sy'n ofynnol o dan Erthygl 4.3 o Reoliad 853/2004) a oedd, ar 31 Rhagfyr 2005, yn gweithredu fel cyfleuster prosesu anifeiliaid hela gwyllt trwyddedig o dan Reoliadau Cig Anifeiliaid Hela Gwyllt (Hylendid ac Arolygu) 1995(8); ac

mae i “torri” yr ystyr a roddir i “*cutting up*” yn Rheoliad 853/2004.

### Gwybodaeth Cychwyn

I2 Rhl. 2 mewn grym ar 1.1.2006, gweler [rhl. 1](#)

### Ffioedd

3.—(1) Rhaid i'r Asiantaeth, yn ddarostyngedig i ddarpariaethau canlynol y rheoliad hwn, hysbysu gweithredydd pob lladd-dy, sefydliad trin anifeiliaid hela a safle torri lle'r arferwyd rheolaethau swyddogol mewn unrhyw gyfnod cyfrifyddu o ffi rheolaethau swyddogol o ran y rheolaethau swyddogol hynny cyn gynted â phosibl ar ôl diwedd y cyfnod hwnnw.

(2) Os nad yw'r Asiantaeth yn gallu cydymffurfio â pharagraff (1) am nad oes digon o wybodaeth ar gael iddi i'w galluogi i gyfrifo'r ffi rheolaethau swyddogol ar gyfer unrhyw gyfnod cyfrifyddu o ran unrhyw fangre o'r fath a bennir yn paragraff hwnnw, rhaid iddi hysbysu gweithredydd y fangre honno o ffi interim, sef y swm y mae'r Asiantaeth yn ei amcangyfrif (gan ystyried yr wybodaeth sydd ganddi) yw'r ffi rheolaethau swyddogol.

(7) O.S. 1995/731.

(8) O.S. 1995/2148, a ddirymwyd gydag effaith o 1 Ionawr 2006 gan O.S. 2005/3292 (W.252).

(3) Os yw'r Asiantaeth wedi hysbysu gweithredydd o ffi interim yn unol â pharagraff (2), a bod gwybodaeth ddigonol yn dod ar gael i'r Asiantaeth gyfrifo'r ffi rheolaethau swyddogol, rhaid iddi gyfrifo'r ffi honno ac—

- (a) os yw'n fwy na'r ffi interim, rhaid iddi hysbysu'r gweithredydd o'r ffi derfynol, sef y swm y mae'r ffi rheolaethau swyddogol yn fwy na'r ffi interim; neu
- (b) yn ddarostyngedig i baragraff (6), os yw'n llai na'r ffi interim, rhaid iddi roi credyd i'r gweithredydd o'r swm y mae'r ffi interim yn fwy na'r ffi rheolaethau swyddogol.

(4) Mae unrhyw ffi a hysbysir i weithredydd o dan baragraff (1), (2) neu (3) yn daladwy gan y gweithredydd i'r Asiantaeth pan hawlir hi.

(5) Os cafodd unrhyw gostau staff lladd-dy a gytunwyd eu defnyddio i gyfrifo ffi y mae angen ei hysbysu i weithredydd o dan baragraff (1), (2) neu (3), rhaid gwrthgyfrifo'r costau hynny yn erbyn swm y ffi honno wrth gyfrifo'r ffi wirioneddol a hysbysir oddi tano, ar yr amod na wneir ad-daliad i'r gweithredydd perthnasol.

(6) Os yw swm o dan baragraff (3)(b) i gael ei gredydu i weithredydd, caiff yr Asiantaeth, os yw'n dewis gwneud hynny, dalu'r cyfryw swm i'r gweithredydd o dan sylw yn hytrach na'i gredydu i'r gweithredydd.

#### Gwybodaeth Cychwyn

**I3** Rhl. 3 mewn grym ar 1.1.2006, gweler [rhl. 1](#)

#### Tynnu rheolaethau swyddogol yn ôl

4. Os cafodd yr Asiantaeth ddyfarniad wedi'i gofnodi yn erbyn gweithredydd unrhyw fangre am unrhyw swm sy'n daladwy o dan reoliad 3(4) ac os yw'r gweithredydd yn methu â bodloni'r dyfarniad o fewn cyfnod rhesymol wedyn, caniateir i'r Asiantaeth (ni waeth beth fo unrhyw rwymedi cyfreithiol arall sydd yn agored iddi) wrthod arfer unrhyw reolaethau swyddogol pellach yn y mangreoedd hynny hyd nes y bodlonir y dyfarniad.

#### Gwybodaeth Cychwyn

**I4** Rhl. 4 mewn grym ar 1.1.2006, gweler [rhl. 1](#)

#### Gwybodaeth

5.—(1) Rhaid i unrhyw berson pan hawlir hynny gan yr Asiantaeth, roi—

- (a) yr wybodaeth honno y gall yr Asiantaeth yn rhesymol ei gwneud yn ofynnol at ddibenion cyfrifo ffi y rheolaethau swyddogol neu hysbysu gweithredydd ohoni; a
- (b) y dystiolaeth y gall yr Asiantaeth yn rhesymol ei gwneud yn ofynnol i'w galluogi i wirhau gwybodaeth a roddwyd iddi o dan is-baragraff (a) o'r paragraff hwn.

(2) Bydd unrhyw berson sydd—

- (a) yn honni cydymffurfio â pharagraff (1), gan wybod neu yn ddi-hid yn rhoi gwybodaeth sy'n dwyllodrus neu'n gamarweiniol mewn manylyn sylweddol; neu
- (b) heb esgus rhesymol, yn methu â chydymffurfio o fewn cyfnod rhesymol â hawliad a wnaed o dan y paragraff hwnnw,

yn euog o dramgwydd a bydd yn atebol ar gollfarn ddiannod i ddirwy nad yw'n fwy na lefel 5 ar y raddfa safonol.

**Gwybodaeth Cychwyn**

**I5** Rhl. 5 mewn grym ar 1.1.2006, gweler [rhl. 1](#)

**Dirymu**

**6.** Dirymir Rheoliadau Cig (Hylendid ac Archwilio) (Ffioedd) 1998**(9)**.

**Gwybodaeth Cychwyn**

**I6** Rhl. 6 mewn grym ar 1.1.2006, gweler [rhl. 1](#)

Llofnodwyd ar ran Cynulliad Cenedlaethol Cymru o dan adran 66(1) o Ddeddf Llywodraeth Cymru 1998**(10)**.

6 Rhagfyr 2005

*D. Elis-Thomas*  
Llywydd y Cynulliad Cenedlaethol

---

**(9)** O.S. 1998/2095, a ddiwygiwyd gan O.S. 2001/1302 (Cy.79), ac O.S. 2001/3831 (Cy.317).  
**(10)** 1998 p.38.

## ATODLEN 1

Rheoliad 2(1)

## DIFFINIADAU O DDEDDFWRIAETH GYMUNEDOL

**Gwybodaeth Cychwyn**

**I7** Atod. 1 mewn grym ar 1.1.2006, gweler **rhl. 1**

ystyr “Cyfarwyddeb 2004/41” (“*Directive 2004/41*”) yw Cyfarwyddeb [2004/41/EC](#) Senedd Ewrop a'r Cyngor sy'n diddymu cyfarwyddebau penodol ynglŷn â hylendid bwyd ac amodau iechyd ar gyfer cynhyrchu a rhoi ar y farchnad gynhyrchion penodol sy'n dod o anifeiliaid ac a fwriedir i'w bwyta gan bobl ac sy'n diwygio Cyfarwyddebau'r Cyngor [89/662/EEC](#) a [92/118/EEC](#) a Phenderfyniad y Cyngor [95/408/EC](#)(**11**);

ystyr “Rheoliad 178/2002” (“*Regulation 178/2002*”) yw Rheoliad [\(EC\) Rhif 178/2002](#) Senedd Ewrop a'r Cyngor, sy'n gosod egwyddorion a gofynion cyffredinol cyfraith bwyd, yn sefydlu Awdurdod Diogelwch Bwyd Ewrop ac yn gosod gweithdrefnau o ran materion diogelwch bwyd, fel y diwygiwyd y Rheoliad hwnnw ddiwethaf gan Reoliad [\(EC\) Rhif 1642/2003](#) Senedd Ewrop a'r Cyngor yn diwygio Rheoliad [\(EC\) Rhif 178/2002](#) sy'n gosod egwyddorion a gofynion cyffredinol cyfraith bwyd, yn sefydlu Awdurdod Diogelwch Bwyd Ewrop ac yn gosod gweithdrefnau o ran materion diogelwch bwyd;

ystyr “Rheoliad 852/2004” (“*Regulation 852/2004*”) yw Rheoliad [\(EC\) Rhif 852/2004](#) Senedd Ewrop a'r Cyngor ar hylendid deunyddiau bwyd(**12**) fel y'i darllenir gyda Rheoliad A a Rheoliad B;

ystyr “Rheoliad 853/2004” (“*Regulation 853/2004*”) yw Rheoliad [\(EC\) Rhif 853/2004](#) Senedd Ewrop a'r Cyngor sy'n gosod rheolau hylendid penodol ar gyfer bwyd sy'n dod o anifeiliaid(**13**), fel y'i diwygiwyd gan Reoliad C a Rheoliad E ac fel y'i darllenir gyda Chyfarwyddeb 2004/41, Rheoliad A, Rheoliad C a Rheoliad E;

ystyr “Rheoliad 854/2004” (“*Regulation 854/2004*”) yw Rheoliad [\(EC\) Rhif 854/2004](#) Senedd Ewrop a'r Cyngor yn gosod rheolau penodol ar gyfer trefnu rheolaethau swyddogol ar gynhyrchion sy'n dod o anifeiliaid ac a fwriedir i'w bwyta gan bobl(**14**), fel y diwygiwyd y Rheoliad hwnnw gan Reoliad 882/2004, Rheoliad C a Rheoliad E ac fel y'i darllenir gyda Chyfarwyddeb 2004/41, Rheoliad C, Rheoliad D a Rheoliad E;

ystyr “Rheoliad 882/2004” (“*Regulation 882/2004*”) yw Rheoliad [\(EC\) Rhif 882/2004](#) Senedd Ewrop a'r Cyngor ar reolaethau swyddogol a gyflawnir i sicrhau gwirhad cydymffurfedd â chyfraith bwyd, iechyd anifeiliaid a rheolau lles anifeiliaid(**15**) fel y'i darllenir gyda Rheoliad C a Rheoliad E;

ystyr “Rheoliad A” (“*Regulation A*”) yw Rheoliad y Comisiwn dyddiedig 20 Gorffennaf 2005 sy'n gweithredu Rheoliad [\(EC\) Rhif 853/2004](#) Senedd Ewrop a'r Cyngor o ran gwarantiau arbennig ynghylch salmonela ar gyfer llwythi o gigoedd ac wyau penodol i'r Ffindir ac i Sweden;

ystyr “Rheoliad B” (“*Regulation B*”) yw Rheoliad y Comisiwn dyddiedig 23 Medi 2005 ar feini prawf microbiolegol ar gyfer deunyddiau bwyd;

- 
- (11) OJ Rhif L157, 30.4.2004, t.33. Mae testun diwygiedig Cyfarwyddeb 2004/41 wedi'i nodi bellach mewn Corigendwm (OJ Rhif L195, 2.6.2004, t.12).
- (12) OJ Rhif L139, 30.4.2004, t.1. Mae testun diwygiedig Rheoliad 852/2004 wedi'i nodi bellach mewn Corigendwm (OJ Rhif L226, 25.6.2004, t.3).
- (13) OJ Rhif L139, 30.4.2004, t.55. Mae testun diwygiedig Rheoliad 853/2004 wedi'i nodi bellach mewn Corigendwm (OJ Rhif L226, 25.6.2004, t.22).
- (14) OJ Rhif L155, 30.4.2004, t.206. Mae testun diwygiedig Rheoliad 854/2004 wedi'i nodi bellach mewn Corigendwm (OJ Rhif L226, 25.6.2004, t.83).
- (15) OJ Rhif L165, 30.4.2004, t.1. Mae testun diwygiedig Rheoliad 882/2004 wedi'i nodi bellach mewn Corigendwm (OJ Rhif L191, 28.5.2004, t.1).

ystyr “Rheoliad C” (“*Regulation C*”) yw Rheoliad y Comisiwn dyddiedig 23 Medi 2005 sy'n gosod mesurau gweithredu ar gyfer cynhyrchion penodol o dan Reoliad (EC) Rhif 853/2004, er mwyn trefnu rheolaethau swyddogol o dan Reoliadau (EC) Rhif au 854/2004 a 882/2004, sy'n rhanddirymu Rheoliad (EC) Rhif 852/2004 ac yn diwygio Rheoliadau (EC) Rhif au 853/2004 a 854/2004;

ystyr “Rheoliad D” (“*Regulation D*”) yw Rheoliad y Comisiwn dyddiedig 23 Medi 2005 sy'n gosod rheolau penodol ar reolaethau swyddogol ar *Trichinella* mewn cig; ac

ystyr “Rheoliad E” (“*Regulation E*”) yw Rheoliad y Comisiwn dyddiedig 5 Hydref sy'n gosod trefniadau trosiannol ar gyfer gweithredu Rheoliadau (EC) Rhif 853/2004, (EC) Rhif au 854/2004 ac 882/2004 Senedd Ewrop a'r Cyngor ac yn diwygio Rheoliadau (EC) Rhif au 853/2004 a 854/2004.

## ATODLEN 2

Rheoliad 2(1)

### CYFRIFO FFI RHEOLAETHAU SWYDDOGOL

#### Y ffi rheolaethau swyddogol

1. Yn ddarostyngedig i baragraffau (2) a (3), y ffi rheolaethau swyddogol sy'n daladwy gan weithredydd unrhyw fangre am unrhyw gyfnod cyfrifyddu yw'r lleiaf o—

(a) y swm o—

(i) y ffi safonol a dynnir mewn cysylltiad â'r fangre honno am y cyfnod hwnnw, a

(ii) unrhyw ffi ychwanegol a dynnir mewn cysylltiad â'r fangre honno am y cyfnod hwnnw yn rhinwedd paragraff 8; a

(b) y costau amser a gynhyrchir gan y fangre honno am y cyfnod hwnnw.

#### Gwybodaeth Cychwyn

**18** Atod. 2 para. 1 mewn grym ar 1.1.2006, gweler [rhl. 1](#)

2.—(1) Mae'r paragraff hwn yn gymwys os yw'r ffi rheolaethau swyddogol a gyfrifir o dan baragraff 1 am unrhyw gyfnod cyfrifyddu (swm A), pan ychwanegir hi at y ffi rheolaethau swyddogol sy'n daladwy o ran pob cyfnod cyfrifyddu blaenorol sy'n dod o fewn yr un cyfnod ariannol (swm B), yn cynhyrchu cyfanswm (swm C) sy'n fwy na swm y ffi rheolaethau swyddogol a fyddai'n daladwy o dan baragraff 1 pe bai'r cyfnodau cyfrifyddu hynny yn un cyfnod cyfrifyddu (swm D).

(2) Os yw'r paragraff hwn yn gymwys, y ffi rheolaethau swyddogol sy'n daladwy gan weithredydd am gyfnod cyfrifyddu yw'r swm y mae swm D yn fwy na swm B.

(3) Yn y paragraff hwn ystyr “cyfnod ariannol” yw cyfnod sy'n dechrau ar y dydd Llun sy'n union ar ôl y dydd Sul olaf ym mis Mawrth yn unrhyw flwyddyn ac sy'n diweddau ar y dydd Sul olaf ym mis Mawrth yn y flwyddyn ganlynol.

#### Gwybodaeth Cychwyn

**19** Atod. 2 para. 2 mewn grym ar 1.1.2006, gweler [rhl. 1](#)

**Newidiadau i ddeddfwriaeth:** Mae newidiadau yn dal heb eu gwneud i Rheoliadau Cig (Rheolaethau Swyddogol) (Ffioedd) (Cymru) 2005. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details) View outstanding changes

3. Ni fydd y ffi rheolaethau swyddogol sy'n daladwy gan weithredydd lladd-dy, sefydliad trin anifeiliaid hela neu safle torri am unrhyw gyfnod cyfrifyddu yn is na 45% o'r ffi safonol a dynnir mewn cysylltiad â'r fangre honno am y cyfnod hwnnw.

<i>Rhywogaeth</i>	<i>Math</i>	<i>Cyfradd fesul math o anifail mewn Ewros</i>
Bucholion	anifeiliaid buchol 6 wythnos oed neu fwy pan gigyddir hwy	4.5
	anifeiliaid buchol yn llai na 6 wythnos oed pan gigyddir hwy	2.5
Equidae ac uncarnolion		4.4
Moch gan gynnwys baeddod gwyllt	pwysau carcass llai na 25 kg	0.5
	pwysau carcass mwy na neu'n gytbwys â 25 kg	1.3
Defaid, geifr ac anifeiliaid eraill sy'n cnoi cil nas rhestrir yn rhywle arall yn y Tabl hwn	pwysau carcass llai na 12 kg	0.175
	pwysau carcass rhwng 12 a 18 kg yn gynhwysol	0.35
	pwysau carcass mwy na 18 kg	0.5
Dofednod, cwingod, adar hela bach a helfilod daear	pob brwyliad; holl ieir cast; dofednod eraill, cwingod, adar hela bach a helfilod daear sy'n pwysu llai na 2 kg	0.01
	dofednod (nad ydynt yn frwyliad neu'n ieir cast), cwingod, adar hela bach a helfilod daear sy'n pwysu o leiaf 2 kg (ac eithrio'r rheini sy'n oedolion ac sy'n pwysu o leiaf 5 kg)	0.02
	dofednod (nad ydynt yn frwyliad neu'n ieir cast), cwingod, adar hela bach a helfilod daear (sydd i gyd yn oedolion) ac sy'n pwysu o leiaf 5 kg	0.04
Estrysiaid ac adar di-gêl eraill		1.3
Mamaliaid tir ac adar o fath nas crybwyllir uchod		1.3

#### Gwybodaeth Cychwyn

**I10** Atod. 2 para. 3 mewn grym ar 1.1.2006, gweler [rhl. 1](#)



#### Gwybodaeth Cychwyn

- I8** Atod. 2 para. 1 mewn grym ar 1.1.2006, gweler [rhl. 1](#)
- I9** Atod. 2 para. 2 mewn grym ar 1.1.2006, gweler [rhl. 1](#)
- I10** Atod. 2 para. 3 mewn grym ar 1.1.2006, gweler [rhl. 1](#)

#### Y ffi safonol

4. Caiff y ffi safonol am unrhyw gyfnod cyfrifyddu, (a fynegir mewn Ewros), sy'n daladwy gan weithredydd lladd-dy, ei gyfrifo drwy luosi'r gyfradd a roddir yn y Tabl canlynol sy'n gymwys i anifeiliaid o fath penodol â nifer yr anifeiliaid o'r math hwnnw a gafodd eu cigydda yno neu yn ôl y digwydd eu trin yno yn y cyfnod.

#### Gwybodaeth Cychwyn

- I11** Atod. 2 para. 4 mewn grym ar 1.1.2006, gweler [rhl. 1](#)

5. Caiff y ffi safonol am gyfnod cyfrifyddu (a fynegir mewn Ewros) sy'n daladwy gan weithredydd sefydliad trin anifeiliaid hela o ran anifeiliaid hela gwyllt a gafodd eu trin yno yn ystod y cyfnod hwnnw ei chyfrifo drwy luosi'r gyfradd a roddir yn y Tabl canlynol sy'n gymwys i anifeiliaid o fath penodol â nifer yr anifeiliaid o'r math hwnnw a gafodd eu trin yno yn y cyfnod.

#### Gwybodaeth Cychwyn

- I12** Atod. 2 para. 5 mewn grym ar 1.1.2006, gweler [rhl. 1](#)

6. Cyfrifir y ffi safonol am unrhyw gyfnod cyfrifyddu (a fynegir mewn Ewros) sy'n daladwy gan weithredydd safle torri neu sefydliad trin anifeiliaid hela drwy luosi gan 3 y nifer o dunelli o gig y daethpwyd ag ef i'r safle neu'r sefydliad o dan sylw yn ystod y cyfnod hwnnw i'w dorri neu i dynnu'r esgryn yno.

#### Gwybodaeth Cychwyn

- I13** Atod. 2 para. 6 mewn grym ar 1.1.2006, gweler [rhl. 1](#)

7. Trosir y ffi safonol (a fynegir mewn Ewros) i bunnoedd drwy ei luosi â'r gyfradd drosi Ewro / punnoedd sy'n gymwys yn y flwyddyn y cyflawnwyd yr arolygiad.

#### Gwybodaeth Cychwyn

- I14** Atod. 2 para. 7 mewn grym ar 1.1.2006, gweler [rhl. 1](#)

8.—(1) Os bydd yr Asiantaeth o ran cyfnod cyfrifyddu yn tynnu costau uwch oherwydd aneffeithlonrwydd yng ngweithrediad y fangre, caiff, yn unol â'r paragraff hwn, ychwanegu ffi ychwanegol at y ffi safonol a dynnwyd mewn cysylltiad â'r fangre am y cyfnod hwnnw.

(2) Bydd y ffi ychwanegol yn swm sy'n hafal i'r costau amser a gynhyrchir gan yr aneffeithlonrwydd am y cyfnod cyfrifyddu o dan sylw.

(3) Ni chaiff yr Asiantaeth godi ffi ychwanegol yn unol â'r paragraff hwn onid yw wedi hysbysu'r gweithredydd o'i bwriad i wneud hynny.

*Newidiadau i ddeddfwriaeth: Mae newidiadau yn dal heb eu gwneud i Rheoliadau Cig (Rheolaethau Swyddogol) (Ffioedd) (Cymru) 2005. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details) View outstanding changes*

(4) Rhaid rhoi'r hysbysiad y cyfeirir ato yn is-baragraff (3) cyn gynted ag y bo'n ymarferol ar ôl i'r Asiantaeth benderfynu ei bod yn dymuno codi ffi ychwanegol yn unol â'r paragraff hwn.

(5) At ddibenion y paragraff hwn ystyr "anefeithlonrwydd" yw anefeithlonrwydd ar ran y gweithredydd ac mae'n cynnwys yn benodol—

- (a) oedi cyn dechrau cigydda y gellir ei briodoli i'r gweithredydd;
- (b) torri i lawr mecanyddol oherwydd diffyg cynnal a chadw;
- (c) camau gorfodi a gymerir gan yr Asiantaeth neu gan arolygydd;
- (ch) tangyflogaeth arolygwyr a achosir oherwydd methiant y gweithredydd i lynu wrth yr oriau gwaith neu'r arferion gwaith a gytunwyd at ddibenion y paragraff hwn yn unol ag is-baragraff (6);
- (d) darpariaeth annigonol o staff cigydda a achosir gan fethiant y gweithredydd i lynu at oriau gwaith neu arferion gwaith a gytunwyd at ddibenion y paragraff hwn yn unol ag is-baragraff (6);
- (dd) oedi a achosir gan risgiau i iechyd neu ddiogelwch arolygwyr y gellir eu priodoli i'r gweithredydd; ac
- (e) unrhyw newid i oriau gwaith neu arferion gwaith a gytunwyd at ddibenion y paragraff hwn yn unol ag is-baragraff (6) y gellir eu priodoli i'r gweithredydd.

(6) At ddibenion is-baragraffau (5)(ch), (d) ac (e), rhaid i'r Asiantaeth a'r gweithredydd gytuno ar oriau gwaith ac arferion gwaith a pharhau i adolygu'r oriau gwaith a'r arferion gwaith a gytunwyd.

(7) Os yw'n ymddangos i'r Asiantaeth a'r gweithredydd, ar ôl unrhyw adolygiad o'r fath, ei bod yn briodol i wneud hynny, caniateir iddynt drwy gytundeb pellach amrywio unrhyw oriau gwaith neu arferion gwaith a gytunwyd yn unol ag is-baragraff (6).

(8) Os bydd unrhyw oriau gwaith neu arferion gwaith wedi cael eu hamrywio yn unol ag is-baragraff (7), rhaid eu trin fel pe baent wedi cael eu cytuno yn unol ag is-baragraff (6).

(9) Ni ellir codi ffi ychwanegol yn unol â'r paragraff hwn o ran unrhyw gostau uwch a dynnwyd oherwydd unrhyw amrywiad mewn oriau gwaith neu arferion gwaith nad yw'n newid oriau gwaith neu arferion gwaith a gytunwyd yn unol ag is-baragraff (6).

#### **Gwybodaeth Cychwyn**

**I15** Atod. 2 para. 8 mewn grym ar 1.1.2006, gweler [rhl. 1](#)

**9.—(1)** Caiff gweithredydd nad yw'n cytuno y gellir cyfiawnhau ffi ychwanegol o dan baragraff 8 ofyn am benderfyniad ar y cwestiwn gan berson a enwebwyd at y diben yn unol ag is-baragraff (3)(a).

(2) Rhaid gwneud cais o dan is-baragraff (1) o fewn wythnos ar ôl i'r Asiantaeth roi hysbysiad i'r gweithredydd o dan baragraff 8(3).

(3) Os bydd gweithredydd yn gwneud cais o dan is-baragraff (1)—

- (a) rhaid i'r Asiantaeth enwebu person i benderfynu'r mater o'r rhestr a sefydlwyd o dan baragraff (4);
- (b) rhaid i'r person a enwebir roi cyfle i'r gweithredydd a'r Asiantaeth wneud sylwadau ar y mater sydd i'w benderfynu; ac
- (c) rhaid i'r person a enwebir, o fewn mis o'i enwebiad, benderfynu a oes ffi ychwanegol yn daladwy a hysbysu'r gweithredydd a'r Asiantaeth o'i benderfyniad.

(4) Rhaid i'r Asiantaeth sefydlu a chadw rhestr o bobl y caniateir eu henwebu at ddibenion y paragraff hwn a rhaid iddi ymgynghori â'r cyrff hynny y mae'n ymddangos iddi eu bod yn cynrychioli gweithredwyr cyn cynnwys unrhyw berson ar y rhestr.

#### Gwybodaeth Cychwyn

**I16** Atod. 2 para. 9 mewn grym ar 1.1.2006, gweler [rhl. 1](#)

#### Gwybodaeth Cychwyn

**I11** Atod. 2 para. 4 mewn grym ar 1.1.2006, gweler [rhl. 1](#)

**I12** Atod. 2 para. 5 mewn grym ar 1.1.2006, gweler [rhl. 1](#)

**I13** Atod. 2 para. 6 mewn grym ar 1.1.2006, gweler [rhl. 1](#)

**I14** Atod. 2 para. 7 mewn grym ar 1.1.2006, gweler [rhl. 1](#)

**I15** Atod. 2 para. 8 mewn grym ar 1.1.2006, gweler [rhl. 1](#)

**I16** Atod. 2 para. 9 mewn grym ar 1.1.2006, gweler [rhl. 1](#)

### Costau amser

**10.** Cyfrifir y costau amser a gynhyrchir gan unrhyw fangre yn unrhyw gyfnod cyfrifyddu (yn ddarostyngedig i baragraffau 11 a 12) drwy—

- lluosi'r amser (a fynegir mewn oriau a ffracsïynau o awr) a dreulir gan bob arolygydd sy'n arfer rheolaethau swyddogol yn y fangre honno yn y cyfnod gan y tâl wrth yr awr sy'n gwmwys i'r arolygydd hwnnw a benderfynir yn unol â pharagraffau 13 i 16;
- ychwanegu'r canlyniadau at ei gilydd; ac
- ychwanegu unrhyw gostau staff lladd-dy a gytunwyd am y cyfnod hwnnw.

#### Gwybodaeth Cychwyn

**I17** Atod. 2 para. 10 mewn grym ar 1.1.2006, gweler [rhl. 1](#)

**11.** Rhaid i gostau amser o ran unrhyw reolaethau swyddogol gynnwys unrhyw daliadau goramser neu lwfansau eraill tebyg a delir i'r arolygydd o dan sylw o dan ei gontract cyflogaeth neu ei gontract am wasanaethau am arfer y rheolaethau swyddogol hynny.

#### Gwybodaeth Cychwyn

**I18** Atod. 2 para. 11 mewn grym ar 1.1.2006, gweler [rhl. 1](#)

**12.** Wrth benderfynu cyfanswm yr amser a dreuliwyd yn arfer rheolaethau swyddogol, rhaid cyfrifo unrhyw amser a dreuliwyd gan arolygydd—

- yn teithio i fangre neu o fangre lle mae'r arolygydd yn arfer rheolaethau swyddogol ac y caiff ei dalu amdano o dan gontract cyflogaeth neu gontract am wasanaethau;
- yn unrhyw fangre yr aeth yr arolygydd iddi at ddibenion arfer rheolaethau swyddogol ac y caiff ei dalu amdano o dan gontract cyflogaeth neu gontract am wasanaethau (ni waeth a fydd yr arolygydd yn gallu arfer rheolaethau swyddogol yno ai peidio); ac
- yn unrhyw le arall—

**Newidiadau i ddeddfwriaeth:** Mae newidiadau yn dal heb eu gwneud i Rheoliadau Cig (Rheolaethau Swyddogol) (Ffioedd) (Cymru) 2005. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details) View outstanding changes

- (i) pan fo'r arolygydd ar gael i arfer rheolaethau swyddogol ond nad yw mewn gwirionedd yn eu harfer, a
- (ii) pan gaiff ei dalu o dan ei contract cyflogaeth neu ei contract am wasanaethau, fel pe bai'n amser yr oedd yr arolygydd yn arfer rheolaethau swyddogol.

#### Gwybodaeth Cychwyn

**I19** Atod. 2 para. 12 mewn grym ar 1.1.2006, gweler [rhl. 1](#)

**13.** Rhaid i'r Asiantaeth benderfynu tâl yr awr sy'n gymwys i arolygwyr, a chaiff benderfynu graddau gwahanol i arolygwyr gwahanol neu ddsbarthiadau gwahanol o arolygydd, gan ystyried am lefel cymwysterau a phrofiad arolygwyr gwahanol neu ddsbarthiadau o arolygydd ac ystyried y gost o arfer rheolaethau swyddogol o ran arolygwyr gwahanol neu ddsbarthiadau gwahanol o arolygydd.

#### Gwybodaeth Cychwyn

**I20** Atod. 2 para. 13 mewn grym ar 1.1.2006, gweler [rhl. 1](#)

**14.** Rhaid cyfrifo tâl yr awr i unrhyw arolygydd neu ddsbarth o arolygydd fel ei fod yn adlewyrchu—

- (a) cymedr y costau cyflog a'r ffioedd (gan gynnwys pensiwn a chyfraniadau Yswiriant Gwladol cyflogwyr, ond heb gynnwys unrhyw gostau ychwanegol a gymrwyd i ystyriaeth yn unol â pharagraff 11) a chostau eraill arfer rheolaethau swyddogol gan yr arolygydd hwnnw neu'r dosbarth hwnnw o arolygydd; a
- (b) y gyfran honno o gostau gweinyddol arfer y rheolaethau swyddogol y mae'r Asiantaeth o'r farn ei bod yn briodol ei dosrannu i'r tâl hwnnw yr awr.

#### Gwybodaeth Cychwyn

**I21** Atod. 2 para. 14 mewn grym ar 1.1.2006, gweler [rhl. 1](#)

**15.** At ddibenion paragraff 14(b), ystyr “costau gweinyddol” yw'r holl gostau a dynnir yn rhesymol wrth arfer rheolaethau swyddogol gan gynnwys yn benodol gostau—

- (a) hyfforddiant ôl-gymhwyster a roddir i arolygwyr o ddsbarth penodol o ran cyflawni eu swyddogaethau fel aelod o'r dosbarth hwnnw;
- (b) cyflogau staff (gan gynnwys cost goramser, chyfraniadau Yswiriant Gwladol cyflogwyr a chyfraniadau pensiynau) heblaw arolygwyr sydd wrthi'n arfer rheolaethau swyddogol, a'r gyfran honno o dâl yr arolygwyr nad oes cyfrif amdani yn uniongyrchol yng nghyfrifiad costau amser;
- (c) darparu swyddfa, cyfarpar a gwasanaethau o ran arfer rheolaethau swyddogol, gan gynnwys dibrisiad unrhyw ddodrefn a chyfarpar swyddfa a hefyd darparu technoleg gwybodaeth, papur ysgrifennu a ffurflenni;
- (ch) dillad amddiffynnol ac offer a ddefnyddir wrth arfer rheolaethau swyddogol a glanhau'r dillad hynny;
- (d) cyfrifyddu a chasglu ffioedd a darparu gwasanaethau cyflogres a phersonél yng nghyswllt cyflogaeth arolygwyr; a
- (dd) treuliau a gorbenion eraill a dynnwyd gan neu o ran—

- (i) arolygwyr sy'n arfer rheolaethau swyddogol, a
- (ii) staff eraill sydd wrthi'n gweinyddu'r rheolaethau hynny.

**Gwybodaeth Cychwyn**

**I22** Atod. 2 para. 15 mewn grym ar 1.1.2006, gweler [rhl. 1](#)

**16.** Caiff yr Asiantaeth amrywio unrhyw gyfradd a benderfynir yn unol â pharagraff 13 os yw'n ymddangos iddi, o ystyried y ffactorau a nodir ym mharagraff 14 a 15, ei bod yn angenrheidiol gwneud hynny.

**Gwybodaeth Cychwyn**

**I23** Atod. 2 para. 16 mewn grym ar 1.1.2006, gweler [rhl. 1](#)

**17.** Cyn penderfynu neu amrywio'r tâl yn ôl yr awr yn unol â pharagraffau 13 i 16, rhaid i'r Asiantaeth ymgynghori â'r gweithredwyr hynny y mae'n debygol yr effeithir arnynt gan y tâl hwnnw yr awr.

**Gwybodaeth Cychwyn**

**I24** Atod. 2 para. 17 mewn grym ar 1.1.2006, gweler [rhl. 1](#)

**Gwybodaeth Cychwyn**

- I17** Atod. 2 para. 10 mewn grym ar 1.1.2006, gweler [rhl. 1](#)
- I18** Atod. 2 para. 11 mewn grym ar 1.1.2006, gweler [rhl. 1](#)
- I19** Atod. 2 para. 12 mewn grym ar 1.1.2006, gweler [rhl. 1](#)
- I20** Atod. 2 para. 13 mewn grym ar 1.1.2006, gweler [rhl. 1](#)
- I21** Atod. 2 para. 14 mewn grym ar 1.1.2006, gweler [rhl. 1](#)
- I22** Atod. 2 para. 15 mewn grym ar 1.1.2006, gweler [rhl. 1](#)
- I23** Atod. 2 para. 16 mewn grym ar 1.1.2006, gweler [rhl. 1](#)
- I24** Atod. 2 para. 17 mewn grym ar 1.1.2006, gweler [rhl. 1](#)

**Diffiniadau**

**18.—(1)** Yn yr Atodlen hon—

- (a) ystyr “arolygydd” (“*inspector*”) yw milfeddyg swyddogol neu filfeddyg a gymeradwywyd fel y'i ddiffinir yn Erthygl 2.1(g) o Reoliad 854/2004;
- (b) ystyr “y ffi safonol” (“*the standard charge*”), o ran unrhyw ladd-dy, sefydliad trin anifeiliaid hela neu safle torri am unrhyw gyfnod cyfrifyddu, yw'r ffi a gyfrifir yn unol â pharagraff 4, 5 neu 6, yn ôl y digwydd, a drosir i bunnoedd yn unol â pharagraff 7;
- (c) ystyr “cyfradd drosi Ewro / punnoedd” (“*the Euro / sterling conversion rate*”) sy'n gymwys o ran unrhyw flwyddyn o dan sylw yw—
  - (i) am 2006, 1 Ewro = £0.68290, a
  - (ii) ym mhob blwyddyn ar ôl hynny, y gyfradd a gyhoeddir yng nghyfes C o Gyfnodolyn Swyddogol y Cymunedau Ewropeaidd ar ddiwrnod gwaith cyntaf Medi y flwyddyn

**Newidiadau i ddeddfwriaeth:** Mae newidiadau yn dal heb eu gwneud i Rheoliadau Cig (Rheolaethau Swyddogol) (Ffioedd) (Cymru) 2005. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details) View outstanding changes

flaenorol neu, os na chyhoeddir cyfradd ynddo ar y diwrnod hwnnw, y gyfradd gyntaf a gyhoeddir ynddo ar ôl hynny; a

- (ch) ystyr “costau amser” (“*time costs*”), o ran unrhyw sefydliad am unrhyw gyfnod cyfrifyddu, yw'r costau a gyfrifir yn unol â pharagraffau 10 i 12; a
- (d) mae i “anifeiliaid hela gwyllt” yr ystyr a roddir i “*wild game*” ym mhwynt 1.5 o Atodiad I i Reoliad 853/2004;

(2) Mae i'r ymadroddion a ddefnyddir yn yr Atodlen hon, heblaw'r rheini a ddiffinnir yn is-baragraff (1), ac unrhyw ymadroddion Saesneg cyfatebol a ddefnyddir yng Nghyfarwyddeb y Cyngor 85/73/EEC ar ariannu arolygiadau milfeddygol a rheolaethau a gwmpesir gan Gyfarwyddebau 89/662/EEC, 90/425/EEC, 90/675/EEC a 91/496/EEC (fel y'u diwygiwyd a'u cydgrynhoi gan Gyfarwyddeb y Cyngor 96/43/EC(16)) yr un ystyr ag ystyr yr ymadroddion Saesneg cyfatebol hynny a grybwyllir yn y Gyfarwyddeb a enwyd gyntaf uchod.

#### Gwybodaeth Cychwyn

**I25** Atod. 2 para. 18 mewn grym ar 1.1.2006, gweler [rhl. 1](#)

## EXPLANATORY NOTE

*(Nid yw'r nodyn hwn yn rhan o'r Rheoliadau)*

1. Mae'r Rheoliadau hyn yn gymwys o ran Cymru. Maent yn dirymu Rheoliadau Cig (Hylendid ac Archwilio) (Ffioedd) 1998 (O.S. 1998/2095, fel y'i diwygiwyd gan O.S. 2000/656, O.S. 2001/1302 (Cy.79) ac O.S. 2001/3831 (Cy.317)), sy'n rychwantu Prydain Fawr gyfan, i'r graddau y maent yn gymwys o ran Cymru.

2. Yr oedd Rheoliadau Cig (Hylendid ac Archwilio) (Ffioedd) 1998 yn rhoi ar waith o ran Prydain Fawr ddarpariaethau Cyfarwyddeb y Cyngor 85/73/EEC ar ariannu arolygiadau a rheolaethau milfeddygol sy'n ei gwneud yn ofynnol bod ffioedd yn cael eu casglu am arolygiadau o gig coch ffres, cig dofednod ffres, cig cwingod, cig anifeiliaid hela a ffermir a chig anifeiliaid hela gwyllt a rheolaethau arnynt o dan Gyfarwyddebau penodol y Cyngor. Atodir testun diwygiedig ac a gydgrynhowyd o Gyfarwyddeb y Cyngor 85/73/EEC i Gyfarwyddeb y Cyngor 96/43/EC yn OJ Rhif L162, 1.7.96, t.1.

3. Yng ngoleuni diwygiadau i drefn y Gymuned ar lywodraethu hylendid bwyd sy'n dod yn effeithiol ar 1 Ionawr 2006, Cyfarwyddeb 2004/41/EC Senedd Ewrop a'r Cyngor (OJ Rhif L157, 30.4.2004, t.33; mae testun diwygiedig Cyfarwyddeb 2004/41/EC bellach wedi'i osod mewn Corigendwm (OJ Rhif L195, 2.6.2004, t.12), addesir Cyfarwyddeb y Cyngor 85/73/EEC gydag effaith o 1 Ionawr 2006 ymlaen fel bydd yn ofynnol o'r dyddiad hwnnw ymlaen gasglu ffioedd am reolaethau swyddogol ar gig carnolion domestig, cig o ddofednod a lagomorffiaid, cig anifeiliaid hela a ffermir a chig anifeiliaid hela gwyllt o dan Reoliad (EC) Rhif 854/2004 Senedd Ewrop a'r Cyngor sy'n gosod rheolau penodol ar gyfer trefnu rheolaethau swyddogol ar gynhyrchion sy'n dod o

(16) Mae testun Cyfarwyddeb y Cyngor 85/73/EEC wedi cael ei atodi i Gyfarwyddeb y Cyngor 96/43/EC yn OJ Rhif L162, 1.7.96, t.1. Addaswyd Cyfarwyddeb y Cyngor 85/73/EEC gan Gyfarwyddeb 2004/41/EC Senedd Ewrop a'r Cyngor (OJ Rhif L157, 30.4.2004, t.33); mae testun diwygiedig Cyfarwyddeb 2004/41/EC bellach wedi ei osod mewn Corigendwm (OJ Rhif L195, 2.6.2004, t.12).

anifeiliaid ac a fwriedir i'w bwyta gan bobl (OJ Rhif L139, 30.4.2004, t.206; mae testun diwygiedig Rheoliad (EC) Rhif 854/2004 bellach wedi ei osod mewn Corigendwm, OJ Rhif L226, 25.6.2004, t.83).

4. Yng ngoleuni'r addasiad i Gyfarwyddeb y Cyngor 85/73/EEC a ddisgrifir ym mharagraff 3, mae'r Rheoliadau hyn yn rhoi ar waith ddarpariaethau'r Gyfarwyddeb honno sydd bellach yn ei gwneud yn ofynnol bod ffioedd i'w casglu am arolygiadau ar gig carnolion domestig, cig o ddofednod a lagomorffiaid, cig anifeiliaid hela a ffermir a chig anifeiliaid hela gwyllt a rheolaethau arnynt o dan Reoliad (EC) Rhif 854/2004.

5. Mae'r Rheoliadau hyn—

- (a) yn ei gwneud yn ofynnol i'r Asiantaeth hysbysu gweithredydd pob lladd-dy, sefydliad trin anifeiliaid hela a safle torri lle'r arferwyd rheolaethau swyddogol o'r ffi rheolaethau swyddogol sydd bellach i'w chodi o ran y rheolaethau swyddogol hynny (diffinnir y termau “lladd-dy”, “sefydliad trin anifeiliaid hela”, “safle torri”, “rheolaethau swyddogol” a “ffi rheolaethau swyddogol” oll yn rheoliad 2) (rheoliad 3);
- (b) yn darparu bod unrhyw ffi rheolaethau swyddogol a hysbysir yn y modd hwnnw yn daladwy gan y gweithredydd i'r Asiantaeth pan hawlir hi (rheoliad 3);
- (c) yn caniatáu i'r Asiantaeth wrthod arfer unrhyw reolaethau swyddogol eraill mewn mangre benodol, er gwaethaf gorchymyn Llys yn ei gwneud yn ofynnol i weithredydd y fangre dalu ffi rheolaethau swyddogol y mae'n atebol amdani, os yw'r gweithredydd yn methu cydymffurfio â'r gorchymyn (rheoliad 4);
- (ch) yn ei gwneud yn ofynnol i bersonau—
  - (i) rhoi i'r Asiantaeth ar hawliad yr wybodaeth honno y caiff yn rhesymol ei gwneud yn ofynnol er mwyn cyfrifo'r ffi rheolaethau swyddogol neu hysbysu'r gweithredydd ohoni, a
  - (ii) rhoi i'r Asiantaeth ar hawliad y dystiolaeth honno y caiff yn rhesymol ei gwneud yn ofynnol i wirhau'r wybodaeth honno (rheoliad 5);
- (d) yn darparu bod person sydd—
  - (i) wrth ymateb i hawliad am wybodaeth neu dystiolaeth gan wybod neu yn ddi-hid yn rhoi gwybodaeth dwyllodrus neu gamarweiniol, neu
  - (ii) heb esgus rhesymol, yn methu â chydymffurfio o fewn cyfnod rhesymol â hawliad a wnaed am wybodaeth neu dystiolaeth, yn euog o dramgwydd (rheoliad 5);

6. Mae Atodlen 2 i'r Rheoliadau hyn yn gosod sut y mae cyfrifo ffi'r rheolaethau swyddogol.

7. Ni pharatowyd arfarniad rheoliadol llawn ar gyfer yr Offeryn hwn, gan na fydd yn effeithio ar gostau busnes.

**Newidiadau i ddeddfwriaeth:**

Mae newidiadau yn dal heb eu gwneud i Rheoliadau Cig (Rheolaethau Swyddogol) (Ffioedd) (Cymru) 2005. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt ydag anodiadau.

[View outstanding changes](#)

**Changes and effects yet to be applied to :**

- Sch. 1 coming into force by [S.I. 2005/3370 reg. 1](#)
- Sch. 2 para. 1 coming into force by [S.I. 2005/3370 reg. 1](#)
- Sch. 2 para. 2 coming into force by [S.I. 2005/3370 reg. 1](#)
- Sch. 2 para. 3 coming into force by [S.I. 2005/3370 reg. 1](#)
- Sch. 2 para. 4 coming into force by [S.I. 2005/3370 reg. 1](#)
- Sch. 2 para. 5 coming into force by [S.I. 2005/3370 reg. 1](#)
- Sch. 2 para. 6 coming into force by [S.I. 2005/3370 reg. 1](#)
- Sch. 2 para. 7 coming into force by [S.I. 2005/3370 reg. 1](#)
- Sch. 2 para. 8 coming into force by [S.I. 2005/3370 reg. 1](#)
- Sch. 2 para. 9 coming into force by [S.I. 2005/3370 reg. 1](#)
- Sch. 2 para. 10 coming into force by [S.I. 2005/3370 reg. 1](#)
- Sch. 2 para. 11 coming into force by [S.I. 2005/3370 reg. 1](#)
- Sch. 2 para. 12 coming into force by [S.I. 2005/3370 reg. 1](#)
- Sch. 2 para. 13 coming into force by [S.I. 2005/3370 reg. 1](#)
- Sch. 2 para. 14 coming into force by [S.I. 2005/3370 reg. 1](#)
- Sch. 2 para. 15 coming into force by [S.I. 2005/3370 reg. 1](#)
- Sch. 2 para. 16 coming into force by [S.I. 2005/3370 reg. 1](#)
- Sch. 2 para. 17 coming into force by [S.I. 2005/3370 reg. 1](#)
- Sch. 2 para. 18 coming into force by [S.I. 2005/3370 reg. 1](#)
- reg. 1 coming into force by [S.I. 2005/3370 reg. 1](#)
- reg. 2 coming into force by [S.I. 2005/3370 reg. 1](#)
- reg. 3 coming into force by [S.I. 2005/3370 reg. 1](#)
- reg. 4 coming into force by [S.I. 2005/3370 reg. 1](#)
- reg. 5 coming into force by [S.I. 2005/3370 reg. 1](#)
- reg. 6 coming into force by [S.I. 2005/3370 reg. 1](#)